



CHAT PAARALUGU

Klassit

8.-10.



Ilinniartitsisoq	3
Sungisarneq 1: Brainstorm - Sunilluunnit eqqaasaqartarluni oqaasertalersueqatigiineq	4
Sungisarneq 2: Inuit attaveqaqatigiittarfiini avitseqatigiittarneq	6
Sungisarneq 3: Inatsisit pillugit nalorsittaarineq	7
Sungisarneq 4: Ajunngila?	9
Sungisarneq 5: Video atorlugu suliaqarneq	10
Sungisarneq 6: Qanoq isumaqarpisi?	11
Sungisarneq 7: Allakkanik nakkartitsivik	12
Sungisarneq 8: Allakkiamik misissueqqissaarneq	13
Sungisarneq 9: YouTube atorlugu ilisarititsinerit	16
Sungisarneq 10: Immissinnut apeqqrissaarfingitsil	17
Sungisarneq 11: Isumassarsinermit ilorrisimaarnermut	18
Sungisarneq 12: Atuaqatigiit siunnersutai malittarisassaataallu pitsaasut	19
Attavissat	22

Ilinniartitsisoq

Atuartitsinermi atortut eqaatsumik atorneqarsinnaapput. Sungiusaatit inuttut ineriertornermut, kalaallisut, danskisut inuiaqatigiilerinermut atuartitsinermi immikkut ittumik tulluarsagaapput.

Oqarasuaat aamma interneti atorlugu inuuneqarneq oqaluttuarineqarput aamma atuartut assigiinngitsunik pisuusaartitsillutik sungiusartarsinnaapput soorlu aamma interneti atorlugu toqqaannartumik pivusumik aallaaveqarluni sungiusartinneqartarsinnaallutik.

Atuaqatigiit ataasiarlutik arlaleriarlutiluunniit sungiusartarsinnaapput.

Atortut siullermeertumik klassimi atorneqalerpata sunilluunniit eqqaasaqartarluni oqaasertalersueqatigilluni sungiusarneq aallartinneqarsinnaavoq (sungiusaatit 1 aamma 2, taakkua aamma ataatsikkoortinnejqarsinnaapput). Atuartut uani namminneq isumassarsiussapput.

Sungiusarnerit nalaanni assersuutitsialaat misigisallu klassimi atorneqarsinnaapput aamma kingusinnerusukkut sungiusartarnissani sinaakkutinik pilersitsisinnaallutik.

Sungiusaatit qanoq tigussaatigisumik sammisaqartigissanersut ilinniartitsisup nammineq nalilertassavai (sungiusaat 3-miit qummut) qanorlu aallartinneqartassanersut aalajangertassalluni. Sunilluunniit eqqaasaqartarluni minutini 30-ni oqaasertalersueqatigittoqarsinnaavoq imaluunniit tiimi atuarfusoq tamaat sungiusartoqarsinnaalluni.

Sungiusarneq 1

Brainstorm – Sunilluunniit eqqaasaqartarluni oqaasertalersueqatigiinneq

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut inerartorneq

Siunertaq

Oqaloqatigiinnerup isumannaatsup atuartitsissutiginerata aallartinnerani ilinniartitsisoq oqarasuaatip angallattakkap internetillu atorneranik aamma inuuusuttut qarasaasiamik atuinermanni qanoq inississimaffeqartarnerinik soqtiginnilluni paasinnillunilu takutitsisinnaassappat pitsaanerpaassaaq. Klassimi ataatsimoorluni sunilluunniit eqqaasaqartarluni oqaasertalersuinermi ilinniartitsisup apeqqutit ataani allassimasut aallarniutigisinjaavai.

Atuartut imaaliallaannaq eqqaasinnaasaminik oqaasertalersuitikkit pisariaqartikkussiullu apeqqutip imaluunniit sungiusarnerup tullianut ingerlaqqittarlutit. Atuartut namminneq amerlanertigut ima oqaasertalersuillutik aallartittarput: "... misilinikuuara" aamma "ataasiarlunga ...", taama oqartarnerit klassimi eqqartussallugit assersuutissaqqittuupput, taamaalilluni atuartut internetimi pisinnaasut assigiinnngitsut eqqarsaatersorfigisinjaavaat.

Atuartut namminneq assersuusiorlutik oqaasertalersuigaangata tapersersortakkit. Internetimi nuanniitsumik misigisatik pillugit angajoqqaaminnut oqaluttuaramik qanoq angajoqqaatik qisuarisimanersut oqaluttualissappata iliuuserisimasaat akuerisigit. Atuartoq pisumik aaqqiivigineqarsimanngitsumik oqaluttuarpat taanna eqqartorsiuk atuartorlu ikiorlugu.

Sungiusaat 1 aamma 2 pisariaqartitsineq naapertorlugu ataatsikkoortinnejqarsinnaapput. Imannarujussuaq aqutsisoqarnissaq pisariaqanngilaq, ilinniartitsisup kikkut tamarmik tusarneqarnissaannik periarfissaqartoq qulakkeerinniinnassaaq aamma atuartut allamut saanneri maluginiaannassavai tigussaasulinnillu sungiusatinik pisariaqartitsisoqarnersoq maluginiassallugu (sungiusaatit 3-11).

Atuartunut apeqqutit – internetimi nuannersumik nuanninnginnerusumillu misigisakkat pillugit sunilluunniit eqqaasaqartarluni oqaasertalersueqatigiinneq:

Internet ilinnut qanoq pingaaruteqartigiva?

- Internet oqarasuaallu angallattagaq atorsinnaajunnaarukkit kikkut attaveqarsinnaajunnaassavigit?

- Inuuusuttuinaat qupperneqarpat oqaloqatiginnittarfefqarlutillu? Inuuusuttut naapittarfiat nalinginnaasuua?
- Inersimasut inuuusuttullu inuit attaveqatigiittarfiini attaveqaqatigiittarneri assigiinngissuteqarpat?
- Internetimi allatagut uatsinnullu kiinnakkut isignaluta oqaaserisartakkavut assigiinngissuseqarpat? Suna assigiinngissutigaat? Assigiinngissutaat nuannersuua imaluunniit nuanniitsuua? Imaluunniit nuannerlunilu nuanniittarpa?
- Internetimi nuannersut suut misiginikuuigit, soorlu assersuutigalugu ikinngutigiinnermi, pinnguarnermi imaluunniit allatut pisoqarnerani?

Sungisarneq 2

Inuit attaveqaqatigiittarfiini avitseqatigiittarneq

Ukunani fagini pisinnaavoq

- Inuttut ineriatorneq

Siunertaq

Sungiusarnermi uani internetimi avitseqatigiissutissat sunik tunngaveqarsinnaaneri atuaqatigiinnit eqqartorneqarnissaat siunertaavoq aamma atuartut internetimi suut avitseqatiserinnittarnerminnut peqqutigisarneraat oqaloqatiginnissaq siunertaalluni.

Atuaqatigiit tamarmiusut: ilinniartitsisup tusatsiakkat arlallit allattarfissuarmut allattorsinnaavai atuaqatigiillu aperalugit taakkua sumit peqquteqarnersut tapertaralugu atuaqatigiit ilinniartitsisumit aperineqarsinnaapput inuit allat tamataratik assinginik avitseqateqartarneq sunit peqquteqartarnersoq. Atuartut akissutaat ilinniartitsisup allattarfissuarmut allattussavai.

Inuuusuttut tamataratik namminneq assiminnik filminillu avitseqatigiittarnerinut peqqutaasut:

- Aapparmut asanninermik takutitsinarneq
- Ikingummutt attaveqarneq uppernarsarniarlugu
- Nammineq atoqatiginnissinaasutut sungiusarneq peqqutigalugu
- Piumaleriasarnermi
- Allat taamaattarmata
- Akuereqqulluni imaluunniit "nuannarineqarusulluni" ('likes'-ertikkusulluni)
- Uupakaatitaaniarsaraluni (grooming-ertinniarluni)
- Pilliuteqaqqusaasaraanni

Ilinniartitsisup sunilluunniit eqqaasaqartarluni oqaasertalersueqatigiinneq aquassinnaavaa ima: sumik peqquteqarluni taakkua internet aqqutigalugu avitseqatigiissutaarusuttarnersut aperisarluni. Internetimi avitseqatigiittarnerup eqqartorneqarnissaa uani pineqarpoq aamma sungiusarneq atuartitsinerup ingerlanerani itinerusumik malitseqartitsivigineqarsinnaavoq, soorlu sungiusarneq 5-mik.

Sungisarneq 3

Inatsisit pillugit nalorsittaarineq

Ukunani fagini pisinnaavoq

- Inuaqatigiilerineq
- Inuttut ineriertorneq

Siunertaq

Inatsisini suut unioqqutitsinerunnginnersut imaluunniit suut unioqqutitsinerunersut atuartunut ilisimatitsissutigineqarnissaat uani siunertaavoq. Sungiusarneq una inuaqatigiilerinermi atorneqarsinnaavoq, tassanimi inuaqatigiit inatsisaat malittarisassaataallu atuartut ilinniartarpaat. Sungiusarneq una pingaartuuvoq, tassami atuartut inatsisini suut unioqqutitsinerunnginnersut imaluunniit suut unioqqutitsinerunersut ilisimallugit sungiusarnerni allani sungisartarpaat. Oqaaseqatigiit aappaluttumik allannillit eqqunngitsuupput qorsummilli allassimasut eqqortuullutik. Qalipaatit taakkua atuartunit takuneqassanngillat, atuartummi namminneq eqqoriartussaavaat.

Sunilluunniit eqqaasaqartarluni oqaasertalersuinerup kingorna ilinniartitsisup inatsit erseqqissumik atuartunut atuffassissutigissavaa. Internetimi iliuutsit inatsisinik unioqqutitsisut atuartunit ilisarineqarsinnaaniassammata aamma taakkua qanoq qisuarifigisinnanaerlugit sungiusaatit tulliuttut sungiusaaffigissallugit isumassarsiatsialaassaaq.

Ima marlunnik assigiinngitsunik perarfissaqarluni sungiusartogarsinnaavoq: atuartut oqaatigisai ilinniartitsisup allattarfissuarmut allattarsinnaavai atuartullu eqqoriaatinneqartarsinnaapput aamma atuartut immikkoortiterlutik suut eqqornersut suullu eqqunnginnersut allattuillutik “eqqoriaasaqattaartinneqarsinnaapput” – tassani ilinniartitsisoq kaajallaasarluni allatat qanoq paasineqarsinnaanerinik nassuaasarsinnaavoq.

Eqqorpa eqqunngilaluunniit – inatsit qanoq oqarpa?

- | | |
|---|--|
|  | Allallu assinik avitseqatigiissinnaatiaajaannarpugut. Taanna ima paasineqassaaq: allat assingi qanorluunniit pisoqaraluarpat avitseqatigiissutiginissai inatsisini inerteqqutaanngilaq. |
|  | Inuit ataasiakkaat inuunerinit assit avitseqatigiissutiginissaat inatsisinik unioqqutitsineruvoq, tamannali unioqqutitsinerussanngilaq assimiittup avitseqatigiissutaanissaminut akuersissutaanik pisimatilluni. |
|  | Inuit allat tamataqaratik assinginik avitseqateqarneq inatsisinik unioqqutitsinerunngilaq. Inuup nammineq tamanna pisuussutigisarpana. |
|  | Inuit allanik nikassaasut imaluunniit inuunerinik kanngutsaattuliorlutik assilisaat filmiliaallu avitseqatigiissutigineqarnissaat inatsisinik unioqqutitsinerupput. |



Inuup 18-it inorlugit ukiullip atoqateqarluni assinginik avitseqateqarneq inatsisinik unioqqutitsineruvoq. Meeqjanik atoqateqartunut inatsisip taakkua iluanniippuit.



Tamataqanngitsup assinganik uannik avitseqatiginnitoqarpat taanna pigiinnassavara, naak avitseqatiserinnittut kingusinnerusukkut oqarfingaluarannga nungutissaginga.



15-inik ukioqalereersimagaanni aappaq ikinngutigilluagarluunniit atoqatigalugu assilisaq avitseqatigeqqusaavoq. Tigusimagaanni avitseqatiginiarlugu nassiuteqqeqqusaangilaq. Nassiussisup nunguteqquppagu nunguterneqassaaq. Nunguteqquneqareeroq pigiinnaraanni inatsisinik unioqqutitsisoqartapoq.

Sungisarneq 4

Ajunngila?

Ukunani fagini pisinnaavoq

- Inuiaqatigiilerineq
- Inuttut ineriertorneq

Siunertaq

Sungiusaat "eqqorpa eqqunngilaluunniit" naammassippat atuartut namminneq inatsisinik unioqqutitsinernik assersuusiortinneqarnissaat isumassarsiatsialaassaaq.

Inuup inuuneranik nakkarsaaneq imaluunniit kanngutsaattuliorneq soorlu qanoq pisinnaava? Inuk qinngasaartittoq filmiliarissinnarlugu filmi nakkarsatiginiarlugu avitseqatigiissutaanera inatsisinik unioqqutitsinerusinnaava? – Aap. Inuit allat pissuserissaaffiginiissaannik oqallinnermik taanna pilersitsisinnaavoq aamma inunnik allanik piumanngitsunik assiliineq videoliornerlu inatsisinik unioqqutitsisuusinnaasoq erseqqissaasoqarsinnaalluni. Atuartut inuit allat killigititaannik assersuusiassaarusimassappata ilinniartitsisup atuaqatigiit ima aporsorsinnaavai:

Imaalioraanni ajunngila...?

- Ikinngut assileqatigeriarlugu ajorinnginneranik apereqqaarnagu nammineq ilisarnaatitut asseq atorlugu ajunngila?
- Atuaqat inunnit allanit naallertilluni uppittoq nunamullu tukkami annertoq filmiliarieriarlugu avitseqatigiissutiginerajunngila?
- Inuit allat timersorniarlutik atisalersortut assilillugit ajunngila?

Sungisarneq 5

Video atorlugu suliaqarneq

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut ineriaartorneq

Siunertaq

Internet atorlugu inuit killissaminnik qaanngiiffigitittarneri atuartunit oqaloqatigiissutigineqartarnissaat sungiusarnermi uani siunertaavoq. Eqqorneqartuulluni qanoq misinnartarpa? Ikinngut qanoq ikiorneqarsinnaava? Inunnit allanit avitseqartarnissaq qanoq pinaveersaarneqarsinnaava? Filmi atorlugu ilinniartitsisup assit inunniq tamataqanngitsunik assilisat videoliallu avitseqatigiissutiginissaat inerteqqutaasoq erseqqissarsinnaavaa. Taamaalilluni inuaqatigiilerinermut taanna atatinneqarsinnaavoq, tassami atuartut inatsisinik kalaallisut danskisulluunniit attuumassutilinnik ilinniartinneqassapput. Tassanilu attaveqaqatigiittarfimmi sammisat misissueqqissaarnerannut attuumassuteqartinneqarsinnaalluni.

Atuaqatigiit tamarmik videomik isiginnaassapput, tassani niviarsiaqqap ullormi atuarfiusumi atuarnera takutinneqassaaq. Niviarsiaqqap kanngutsaattuliorluni/ tamataqarani assiminik aapparminut nassiussilluni avitseqateqarnera inatsisinik unioqqutitsineruvoq. Filmi " Er du blevet delt?" ("avitseqataassutaanikuuit") atuaqatigiulluni inissinni isiginnaarsiuk, uaniittooq: https://www.youtube.com/watch?time_continue=19&v=TGwbP4cm5rE

Atuaqatigiit filmi ataatsimoorlutik isiginnaassavaat tamatumalu kingorna atuartut pingasut-sisamakkaarlutik –nukappiaqqat niviarsiaqqallua akuleriaartillugit - eqimattanngortinneqassapput eqimattat ataasiakkaat apeqqutit ilaat ataaseq akissuteqarfigissavaat. Eqimattap iluanit inuup ataatsip apeqqut ataaseq makissavaa, taamaalilluni eqimattat ataasiakkaat tamarmik immikkut apeqqutinik assigiinngitsunik akissuteqarsinnaalissapput.

Spørgsmål til klassen

- Ilissi isumarsi naapertorlugu qanoruna pisoqartoq? Inuup suna misigisimavaa aamma atuaqataasa suut nalunngilaat?
- Inatsisinik unioqqutitsisoqarpa? Angerussi, qanoq inatsisinik unioqqutitsisoqarpa?
- Inuk qanoq sunnertissimasorivisiuk? Misigissutsit sorliit inuup, namminerminut, ikinngutiminut, angajoqqaaminut siunissaminullu tunngasut suut aqquaarunarpai?
- Filmimi eqqorneqartutut illit ikinngutit pineqartuuppat qanoriliussavit?

Tamatuma kingorna eqimattat akissutaat atuaqatigiit ataatsimoornerini ilinniartitsisup tusarnaassavaai.

Øvelse 6

Qanoq isumaqarpisi?

Ukunani fagini pisinnaavoq

- Inuttut inerartorneq

Siunertaq

Misigissutsit, ataaqqinninneq imminullu naleqartinnerit internetimik atuilluni qanoq sunnertissinnaasarnerinik oqaloqatigiinnissutiginnissinnaaneq sungiusarnermi uani siunertaavoq. Atuartut inuuusuttuulluni tamatigut oqittuinnaaneq ajormat internetimik atuinermanni qanoq piissusilersortarnersut namminneq imminnut ilisimasaqalernissaannik sungiusaanermi siunertaavoq.

Issiaviit iloqqasunngortillugit inississigit. Peqataasut amerlassusaannit issiavimmik ataatsimik sinneqartuarnissaq qualakkeersiuk. Inuuusuttut piareerpata oqaluttuat arlallit (assersuutit takukkit) atuassavatit. Isumaqtasaasut issiaannartassapput. Isumaqtaaangitsut issiavimmut inoqanngitsumut nuullutik ingittassapput (arlallit nuussinnaasarpot). Nalornigaanni issiaannarluni talit paarlatsinneqartassapput.

Inuuusuttut toqqagaat pillugit aperisaarit. Oqallinneq inissaqartiguk. Oqaatsit tulluutinngitsut oqaatigineqaqqusaanginnerinik oqaasinnguillutit erseqqissuliorit. Kikkut tamarmik toqqisisimasumik misigisimatineqassapput. Oqaluttuaq eqimattamut tulluuttoq toqqaruk. Sumulluunniit attuumassuteqanngitsoq aallartissutigiuk, soorlu ima aallartitsisoqarsinnaavoq:

- Sila ukiukkut nuannarisarpa
- Oqarasuaatinga angallattagaq tigumminngikkaangakku uisakajaalertarpunga

Killigititat, piissusilersorneq internetilu apeqqusiorfiginiarlugit siunnersuutit:

Stærke spørgsmål

- Oqarasuaatinga angallattagaq, tabletera imaluunniit qarasaasiara ullaat tamaasa atortarpa?
- Oqarasuaat angallattagaq internetiluunniit atorlugit ikinnutit allaffigisinnaallugit nuannersuovoq?
- Oqarasuaat angallattagaq internetiluunniit atorlugit ilinnut allattut imaluunniit iliuuseqartut pillugit illit aliasunnikuuit?
- Allat killigititaanik internet atorlugu qaangiisimatilluni utoqqatserneq ajornakusoorsinnaasarpa?
- Oqarasuaat angallattagaq internetiluunniit atorlugit allannikuuit imaluunniit iliuuseqarnikuuit peqqissimissutigisarnik?
- Oqarasuaat angallattagaq internetiluunniit atorlugit oqaloqatigiinnermi allat killigititaannik qaangiinerluni nalorninarsinnaasarpa?
- Oqarasuaat angallattagaq internetiluunniit atorlugit nuanniitsumik pisoqartillugu qanoriliussanerlutit imaluunniit qanoq akissanerlutit nalornineq misiginikuviuk?
- Oqarasuaat angallattagaq, pinnguarneq internetimiluunniit pisut pillugit angajoqqaatit oqaloqatigikkajuttarpigit?

Sungisarneq 7

Allakkanik nakkartitsivik

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut ineriertorneq

Siunertaq

Sungiusarnermi uani atuartut allat inissismaffianiillutik misilissavaat aamma misiginneqatiginninnissinnaanerminnut akisussaaffimmillu tigusisinnaanerminnut sungiusassallutik. Inuuusuttut akuttunngitsumik qanoriliussanerlutik nalornisarput, ingammik avitseqatigiissutaasut pillugit imaluunniit allanik avitseqatigisassarinngikkaluaminnik namminneerlutik avitseqatissarsiorsimatillutik. Inuuusuttoq ima inissimaleratarsinnaasarpooq ikinngunni sanngilleqqasoq sunnertiasuunngooqqasorlu allanit taakkua pillugit avitseqateqarsimallutik imaluunniit internetimi namminneq pillutik allaaserinnittoqartoq paasisimallugu. Taama pisoqarnerani qanoriliortoqartarpa?

Sungiusarnermi uani atuartut marloqiusamik inissismaffigisartakkaminni qanoriliortarnissaminnik suliaqartinneqassapput aamma allakkat nakkaatitsivianni apeqqutit qanoq aaqqiivigisassanerlugit ataatsimoorlutik eqqartueqatigiisinneqassapput. Apeqqutit allakkat nakkaatitsivianniittut tamarmik eqqortuupput ukioqatigisaannit allanneqartut - paassisutissaq taanna atuartunut ilisimatissutigineqassaaq, tassami apeqqummut atuartut qaninnerusumik misinnarsinnaaneri ilimanarpoq.

Allat killigititaannik qaangiinaveersaarnissaq uani anguniagaavoq. Taamaattumik inuit allat killigititaannik qaanngiisut, inatsisinik unioqqutitsisut qinngasaarisullu atuartunit ilisaritinniassallugit ilinniartitsisoqassaaq.

Allakkat nakkaatitsivianit apeqqut ataaseq eqimattanut pingasut-sisamanik, niviarsiaqqat nukappiaqqallu akuleriaartillugit, atuartortalinnut agguallugu tunniussuunneqassaaq aamma eqimattat akissusiussapput kingusinnerusukkut atuaqatigiinnut akissusiartik saqqummiutissavaat. Apeqqummut ikorsiissutit atorlugit atuartut akissusiorneranni ilinniartitsisoq ikuussinnaavoq:

- Apeqqummi suna pineqarpa?
- Uani inatsisinik unioqqutitsisoqarpa?
- Inuk taanna illit nammineq ikinngutigisuugukku qanoriliussavit?
- Inuup taassuma ilinniartitsisoq, angajoqqaaq, politiit allalluunniit oqaloqatigissavai?

Sungiusaatitut apeqqutit qulaaniittut aallaavigalugit apeqqutit allakkat nakkaatitsivianiiittut minutsit 15-20-t atorlugit atuartut akissusiussapput. Ilinniartitsisup eqimattat ataasiakkaarlugit sumik eqqartuisimanersut qanorlu paasiaqarsimanersut apersussavai.

Sungisarneq 8

Allakkiamik misissueqqissaarneq

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut ineriertorneq

Siunertaq

Sungiusarneq una danskisoortitsinermi suliakkiilluni tunniussassamik piumasaqaatitsisoqarsinnaavoq, tassani atuartut misissugassaminnik ilinniakkerneqarlutik angerlaassitinneqarsinnaapput. Atuartut namminersorlutik aviisini allakkiaq aalajangersimasumik immikkoortortakkaanik ukunannga aallaavilik misissoqqissaarsinnaavaat. Misissueqqissaariaaseq ataani allassimasoq siunnersuutaavoq taannalu analysesiden.dk-mit tigusaavoq.

Atuartut aviisini allakkianik makitsisarlutik agguaffigineqassapput. Misissoqqissaakkat klassimukaanneqassapput, tassani ilinniartitsup makitaq kimit saqqummiunneqassanersoq aalajangertassavaa, allakkiat taamaalillutik tamarmik immikkut ataatsimoorluni eqqartorneqartassapput.

1. Berlingske: "Første domme i sag med 1005 sigtede: Unge mænd dømt for at dele sexvideo" (unnerluussaasunit 1005-nit pineqaatissiineq siulleq: angutit inuuusuttut atoqatigiittut videomut immiunneqarnerinik avitseqatigiinnertik pineqaatissiissutigaat)
<https://www.b.dk/nationalt/foerste-domme-i-sag-med-1005-sigtede-unge-maend-doemt-for-at-dele-sexvideo>

2. Alt.dk: "17-årige Lasse gik fra at dele til at bekæmpe hævnporno" (Lasse 17-nik ukiulik avitseqateqartariarluni atoqatigiittut filmiliarineqarnerinik akiniutigineqartarnerinut akiuiniarnermi suleqataalerpoq)
<https://www.alt.dk/artikler/17-arige-lasse-gik-fra-at-dele-til-at-bekampe-havnporno>

3. Alt.dk: "Psykolog: Unge deler nøgenbilleder af piger for at få status i vennegruppen" (Tarnip pissusaanik immikkut ilisimasalik: inuusuttut niviarsiaqqanik tamataqannngitsunik assilisat ikinngutigineqarniassagamik avitseqatigiissutigisarpaat)
<https://www.alt.dk/artikler/psykolog---unge-deler-nogenbilleder-af-piger-for-at-fa-status-i-vennegruppen>

4. Nyheder.tv2.dk: "Her er reglerne: Det her må du ikke dele på nettet" (Malittarisassat aajukua: internetimi ukua avitseqatigiissutigeqqusaanngillat)
<http://nyheder.tv2.dk/krimi/2018-01-15-her-er-reglerne-det-her-maa-du-ikke-dele-paa-nettet>

Allaatigisanik misissueqqissaariaaseq

(<http://analysesiden.dk/artikelanalyse>)

Ilaatigisaq peqqissaartumik atuarlugu aallartigit tamatumalu kingorna ukua sunersut ilisariniarsarissavatit:

1. Allaaserisaq suua

Allaaserisaq suua? (soorlu assersuutigalugu allakkiaq, ilisarititsineq, nutaarsiassaq, aviisimi allaatigisaq, apeqqarissaarneq il.il.)

Tamatuma kingorna ukua taassallugit isumassarsiatsialaassaaq:

- Qanga allaaserineqarpa? (ulloq + ukioq)
- Suminngaaneerpa? (atuagassiaq, interneti)
- Tusagassiortoq kinaava (nassiuussisoq)?

2. Imaqarniliaq

Allaaserisaq naatsumik imaqarnilioruk.

Allaaserisap suna aallaavigivaa? (soorlu assersuutigalugu misissuineq qanittukkut tamanut saqqummiussaq, naalakkersuinermik suliallit nutaarsiassaataat, katersuineq, eqqartuussineq, saqqummersitseqqaarneq)?

3. Anguniagaq

Allaaserisap suna anguniarpaa? Allaaserisaq paassisutseerusuuppa/ilisimatitserusuuppa, oqallissaarutaava/nalilersuiva, aqqutissiuussiva/aqutsiva il.il.?

4. Allaatigisap sanna

Allaatigisaq qanorittumik sannaqarpa, qulequtaqarluni, aallaqqaasiuteqarpa, allaatigisap iluani qulequtaaraqarpa, spaltit atorlugit allanneqarpa, assiliartaqarpa, piviusulersaarutaava?

Sunik imaqarnerua? Suut erseqqissarneqarpat? Imaaliallaannaq suut takuneqarsinnaappat?
Qulequtaq allaatigisarlu qanorippat?

5. Ilusilersukkat

Soorlu assersuutigalugu assit, kisitseqqissaakkat, titartakkat – Assertaqarpat allaaseriuk. Asseq sumik takutitsiva (illarnartoq, pimoorusserpasittoq il.il..)
Asseq allaaserisarlu imminnut naapertuuppat?

6. Tigusiffigisat/ issuakkat (Kilder)

Tigusiffigisat/ issuakkat sorliunersut taaneqarpat/ apersorneqarpat? Qanoq oqarpat aamma sooq?
Tigusiffigisaq/issuagaq allakkiamut qanoq soqtigisaqartunut sunniiva? Tigusiffigisaq/ issuagaq allakkiami tutsuiginartuua?

7. Oqaatsit

Soqtiginarunik assersuutitaqarpa/ assilissat atorlugit oqaasertaqarpa/ assersuussinertaqarpa/ ilisarnaasersugaava, piffissami aalajangersimasumi oqariartaasertaqarpa, ulluinnarni oqaatsit atorneqarpat, assilissat atorlugit oqaasertaqarpa, uteqattaarisqarpa?
Oqaatsit qanoq suuniissappat?

Allakkiaq arlaannaanulluunniit attuumassuteqanngila imaluunniit isummersorluni/misigissutsit atorlugit allataava?

Tunngavilersuutit qanoq atorneqarpat? Ilanniagaq aallaavigalugu tunngavilersuisoqarpa?

Tusatsiakkat, eqqoriaanerit imaluunniit taamaassorinninerit atorneqarpat?

Allakkiami oqaatsit toqqarneqartut qanorippat – pikkunavissumik/kimilimmik oqariartaatsini oqaatsit nuannersut imaluunniit nuanniitsut atorluarneqarpat?

8. Qulequttat

Allakkiap suut qulequtarai? Soorlu assersuutigalugu allanguiniarneq/aallalerneq, akuutitsiniarneq, tusaamaneqarneq, pinerluttulerineq, kunngikkormiut, inuunerme artornartumik nalaataqarneq, piitsuuneq.

Suna pingaarnertut qulequtarineqarpa? Pingaarnertut qulequtaq ullumikkut/ ilinnut soqtiginarpa?

9. Oqariartuut nalilersuinerlu

Tusagassiortup allakkiaq atorlugu suna anguniarpaa? (Qisuarlartinniarpaatigut? Qulequtaq aqqutigalugu paassisutissiiniarpa? Isummat pigiliutiinnakkat nungusarniarpai?)

Ilisarinnaasatsinnnik tuniniarpaatigut? Tupaallatsinniarpaatigut?)?

Tigusisussaq kinaava?

10. Sammivilersorneq

Allakkiani allani assigusut, soorlu qulequttat imaluunniit oqariartuutit, ilanngussorneqarsinnaappat?

Sungisarneq 9

Youtube atorlugu ilisarititsinerit

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut ineriertorneq

Siunertaq

Atuartut filmimik isiginnaarlutik filmimi qulequtarineqartut suunerinik misissueqqissaarnissaminnik uani sungiusartinneqassapput. Filmit naatsut pingasut atuartut isummersorfigissavaat ataatsimoorlutillu saqqummiussani suut soqtiginarnerpaanersut toqqartuissallutik. Atuartut ikinngutigiinneq, ataqqinninneq, inatsisini allassimasut killigitallu sungiusaatigineqarnerini ilikkakkatik uani atussavaat.

Ilinniartitsisup atuartut eqimattanut marluk-pingasunik inuttalinnut immikkoortitissavai imaluunniit atuartut kisitsimmik tunineqartassapput normulu tunniunneqartup nalaanut inissittassallutik (peqataasut 1-mik normumik tunineqartut tamarmik 1-mukassapput aamma 2-mik normumik tunineqartut 2-mukassapput il.il.)

Eqimattat youtube-mi filmimik, Sikker Chats-imeersumit, isiginnaagassinneqassapput:

https://www.youtube.com/channel/UCzBNM6TOcCOwumeltxL3rcg/videos?view=0&sort=dd&shelf_id=0

Eqimattat filmit pingasut isiginnaassavaat atuaqatiminnullu ataaseq saqqummiukkusutartik toqqarlugu. Eqimattat saqqummiussinerminni apeqqutit ukua akisassavaat:

Følgende spørgsmål bruges til fremlæggelsen

- Filmit allat marluk sunik qulequtaqarpat?
- Filmi una sooq saqqummiussassatut toqqarpisiuk?
- Filmimi uani suna qulequtarineqarpa?
- Filmimi suna/ suut pingarnerpaava/-ppat?

Eqimattap filmi takutissavaat aamma apeqqutit akissutaat saqqummiullugit.

Sungisarneq 10

Immissinnut apeqqarissaarfigigitsi!

Ukunani fagini pisinnaavoq

- Kalaallisut
- Danskisut
- Inuiaqatigiilerineq
- Inuttut ineriarneq

Siunertaq

Atuartut sungiusarnermi uani attaveqaqatigiittarfinnik namminneq atuillutik naatsumik videoliussapput. "Tusagassiortuusaassapput" imminnullu apersortarlutik tamatuma kingorna paarlaattassapput. Atuartut attaveqaqatigiittarfinni piginnaasatik uani sungiusassavaat aamma namminneq isummatik internetimilu ajornartorsiutaasinnaasunik aaqqiissutissatut isigisatik oqaasertalorsorlugit sungiusassallutik.

Tabletsisi oqarasuaatisiluunniit atorlugit videolioritsi. Atuartut marlukkaarlutik naatsumik videoliornerminni immissinnut apersussapput, tamatuma kingorna video atuaqatigiinnut takutinneqassaaq atuaqatigiillu ataatsimoorlutik qulequttanik videoni takutinneqartunik eqqartuissapput.

- Illit isummat malillugu internetimi, oqarasuaammi aamma inuit attaveqaqatigiittarfiini suut pitsaanerpaappat?
- Illit isummat malillugu internetimi, oqarasuaammi aamma inuit attaveqaqatigiittarfiini suut ajoqtaasinnaappat?
Oqarasuaammi, internetimi aamma inuit attaveqaqatigiittarfiini inuit allat annersinnaversaarniarlugit imaluunniit aliasutsinnaversaarniarlugit qanoq illit isumassarsiorsinnaavit?
- Illit assivit filmiliaritinnivillu avitsissutigineqareernerisa kingorna internetimi illit aqussinnaanngisarnik pisoqaratarsinnaanera ernumagisarpigit?
- Oqarasuaat angallattagaq imaluunniit internet atorlugit inatsisinik unioqqutitserusussinnaavit?

Atuartut marluk immissinnut apersortut piareerunik filmit atuaqatiminnt takutissavaat. Atuaqatigiit isumassarsialsialattut isigissappatigik filmit angajoqqaat peqataanerini, ammasumik aaqqissuussinerni imaluunniit atuaqatigiit nuannannerini angajoqqaat peqataaffigisaanni aamma takutinneqarsinnaapput.

Sungisarneq 11

Isumassarsinermiit ilorrisimaarnermut

Ukunani fagini pisinnaavoq

- Kalaallisut
- Danskisut
- Inuaqatigiilerineq
- Inuttut ineriertorneq

Siunertaq

Sungiusarnermi uani atuartut sungiusaatini allani ilikkakkatik atussavaat aamma eqimattanngorlutik siunnersuutitsialannik allattuissapput internetimilu isumannaatsumik qanoq atuisinnaanerit malittarisassiussallugit. Sungisarneq 10 naalisarlugu una sungiusarneruvoq.

Ilanniartitsup atuaqatigiit inuit attaveqaqatigiittarfiannik qanoq atuisarnersut aperissavai – taakkua tamaasa allattarfissuarmut allattukkit tamatumalu kingorna pappiliaaqqamut nuullugit allattorlugit.

Atuartut eqimattanut ikinnerusunik inuttalinnut agguakkit – eqimattaq ataaseq atuartunik pingasut-sisamanik inuttaqartassaaq.

Eqimattap paappiliaq ataaseq makissavaa, tassani soorlu ima allaqqasoqarsinnaavoq: "Facebook" imaluunniit "Instagram" taanna aallaqqaasiullugu eqimattap sulinerminni apeqqutit pingasut ukua akisassavaat:

Arbejdsspørgsmål

- Inuit attaveqaqatigiittarfiini suna ilorrisimaarnermik pilersitsisarpa?
- Inuit attaveqaqatigiittarfiani suliniut/sammisaq suna ilorrisimaanermik nukittorsaassava?
- Suliniut/sammisaq taanna qanoq piviusunngortinnejqarsinnaava?

Eqimattat atuaqatiminntu akissutistik saqqummiutissavaat.

Atuartitsup piviusunngortitsisarneq inernilersussavaa aamma eqimattat suliniutaannut/sammisaannut nalimmassaassalluni.

Sungisarneq 12

Atuaqatigiit siunnersuutai malittarisassaataallu pitsasut

Ukunani fagini pisinnaavoq

- Kalaallisut
- Danskisut
- Inuiaqatigiilerineq
- Inuttut ineriertorneq

Siunertaq

Akullerni atuartut aamma atuarfimmit naammassisussat atuaqatigiittut ataatsimoorussamik kulturimik sammisaqtinnissaat pingaartuuvoq. Taamaattumik oqaloqatigiinnerit isumannaatsumik tamatigut naaneqartarnissaat atuaqatigiit ataatsimoorlutik malittarisassartaannik imaluunniit naleqartitassaannik oqaasertalersuissapput. Tassani atuaqatigiinni atuartut ataatsimoorlutik digitalimik atortorissaarutit atorlugit qinngasaarinaveersaarnerit aamma inuit allat killigititaannik qaangiinaveersaarnerit malittarisassiuutissavaat.

Meeqqat inuusuttullu internet atortillugu inooqatigiinnerini pitsasumik avatangiisinik pilersitsinissaq anguniarlugu ataatsimoortumik malittarisassaqarnissaq isumassarsiatsialaavoq. Red Barnet-imit malittarisassiornerup inerisartarneranut ilitsersuut una illit atuartitarni pissuserissaarnissat malittarisassiorneqarnerini atortaruk.

Atuaqatigiit malittarisassortinneri pingasunut aggulussimasunut suleriuseqarluni pisarpoq; siulleq oqaloqatigiinneq, tullia malittarisassanik ineriertortsineq pingajuat paasititsineq.

Atuartut isumaat suleriaatsimilu nassuertarneri taakkunani qitiutinnejassapput. Taamaattumik atuartut namminneq misigisaat aallaavigalugit oqarasuaat angallattagaq internetilu atortillugit pissuserissaarneq sunaanersoq malittarisassiorqassaaq.

Siunnersuutit pitsasut malittarisassallu 1

Atuartut ilinniartitsisumit ikiortillutik nuanninngitsumik misigisatik assersuusiorfigisassavaat pinaveersaartitsillunilu pissusilersornissaminnt isumassarsianik inerisaassallutik.

Atuaqatigiit malittarisassaat pappiliarsuarmut tamatuma kingorna allattorneqariarlutik atuarfimmi allagarsiunneqassapput angajoqqaanullu paasititsiniutigineqassallutik. Taassuma malitsigisaanik sammisassaqartitsinerit qulequtserlugit atuartut angajoqqaamik qanoq inissisimasarnissaannik oqallitoqarsinnaavoq.

Atuaqatigiit malittarisassaat ukiumut ataasiarluni eqqartorneqarlutillu nalimmassarneqartassapput.

Ilinniartitsisup atuaqatigiit eqimattanut agguassavai. Suliassap immikkoortuisa siullianni (oqaloqatigiinnermi) oqarasuaat angallattagaq internetilu atortillugit nuannersunik nuanniitsunillu misigisartakkaminnik imminnut oqaluttuitissapput oqaatsinillu ataasiakkaanik qulequataaqqanik allattuissallutik.

Suliap immikkoortuisa siullianni eqimattanut apeqqutit.

Naatsumik ukua oqaluttuarikkit ...

- Toqqaannartumik internet atorlugu nuannersumik attaveqatigiinnermik misigisaq
- Toqqaannartumik internet atorlugu nuanniitsumik attaveqatigiinnermik misigisaq

Eqimattanit oqaluttuat assigiaarnerpaat atuaqatigiit tamarmiullutik eqqartussavaat. Ilinniartitsisoq ilitsersuisuliullugu toqqaannartumik internet atorlugu nuannersut nuanniitsullu assigiinngitsut ilisariniarneqassapput.

Siunnersuutit pitsasut malittarisassallu 2

Misigisat assigiinngitsut atuaqatigiinnit sussusersineqarneri aallaavigalugit atuartut eqimattanut uteqqissapput pinaveersaartitsiniarlunilu pissusilersuutigisassanik aamma pissuserissaarnermik eqqartuissallutik. Eqimattat siunnersuutit malittarisassallu ataasiakkaarlugit assersuusiorfigisarlugit oqaasertalersuissapput.

Suliap immikkoortuisa aappaanni eqimattanut apeqqutit

Illiisi isumarsi malillugu meeqqat inuusuttullu qanoriliorsinnaappat?

- Toqqaannartumik internet atorlugu attaveqatigiinnermi nuannersumik pissusilersortoqassappat atuaqatigiit qanoriliorsinnaassappat?
- Aaqqiagiinnginneq qinngasaarinerlu pinaveersaarniaraanni qanoriliortoqarsinnaava?
- Meeqqanut inuusuttunullu siunnersuutit pingaernerit tallimat oqaasertalersorsigik

Eqimattat siunnersuutaat malittarisassaataallu atuaqatigiinnut saqqummiunneqassapput. Ilinniartitsisoq peqatigalugu atuaqatigiit siunnersuutit pingaernerit tallimat-arfineq-pingasut toqqartussavaat, tamatuma kingorna atuaqatigiit internetimik oqarasuaammillu angallattakkamik atuinermanni malittarisassaattut pingaernerpaatut takkua malinniarsarissavaat.

Atuartut siunnersuutaat pitsasut malittarisassatullu suliaasa assersuutitaat – ilinniartitsisup atuartut pisariaqartitsitillugit ikiortarsinnaavai:

Aaqqiagiinnginneq qinngasaarinerlu

- Sakkortuumik annernartumilluunniit allagarsiat akinngisaannarsigik
- Akiniaanaveersaarit, taamaalioruit ajortoq kaavittoq aallartiinnartussaassavat
- Nikassaasumik allatat nuannaralugit nalunaaqutsernaveersaakkit ("like"-rnaveersaakkit)

Inuit ataasiakkaat inuuneri assillu

- Inuit allat assingi avitsissutigitinnagit aperinneqqaartoqartassaaq akuersititseqqaartoqartassallunilu
- Assit eqqarsaatigilluakkamik atortarsigik – atisakippallaata ikkussuunnaveersaarsigik
- Assit internetimiittut atornerlunneqarsinnaaneri eqqarsaatigisarsigik
- Inuit attaveqaqatigiittarfiini kina kammattaarusunnerlugu/ akuerissanerlugu eqqarsaatigisaruk
- Ikinngutivit oqarasuaataasa normui allanut tunniutinngisaannakkit

Tamanut atuuttoq

- Oqarasuaat angallattagaq (klassimi/ bussimi) qaqugukkut atortassanerlugu pitsaanerpaanersoq eqqarsaatigiuk
- Oqaatsit atukkat iluamik atortakkit (akineqaruit nipi tusarusutat atorlugu oqaluttarit)
- Isissutit: akuttunngitsumik taarsertarnissaat eqqaaamakkit
- Spil-it aqqutigalugit virus-it: Suut tamaasa akuerinaveersaakkit!
- Paasissutissat ilinnut tunngasut internet aqqutigalugu tunniussuutiginninnerini eqqarsaqqaartarit
- Inuit internetimi imminnut ilisaritittut allarluinnaasinnaaneri eqqarsaatigisakkit

Angajoqqaat

- Inuuusuttut internetimik atuinerminni angajoqqaatik peqataatikkusuttarpaat, sualuppallaanngitsumilli!

Atuaqatigiit ataatsimoorlutik malittarisassaat pappiliarsuarmut allatat immikkut ittumik ilusilersorneqassapput aamma illuatungeriinnut attuumassuteqartunut tamanut paasissutissiissutigineqassapput, ima:

- Klassimi pappiliarsuaq
- Assinga angajoqqaanut, angajoqqaat qanoq inissisimanissaanik atuartut oqaaseqaasiugai ilanngunneqassapput
Assinga angajoqqaanut attaveqaataasunut agguanneqassaaq, taamaaliluni angajoqqaat tulliani ataatsimiisinneqalerpata taanna eqqartorneqassaaq
- Assinga atuarfimmi sulisunut attuumassuteqartunut: SSP, AKT, atuartut siulersuisui, atuarfiup atuagaataa il.il.

Malitseqartitsineq

Malittarisassanik nalimmassaaneq. Atuaqatigiit malittarisassaataat ukiumut ataasiarluni eqqartorneqartariaqarput nalimmassarneqartariaqarlutillu.

Digital-imik atortorissaarutit atorlugit qinngasaarisoqaleraangat inersimasut qanoq atorsinnaavagut?

Toqqaannartumik internet atorlugu qinngasaarisoqarnerani angajoqqaat ilinniartitsisullu inissisimaffissai atuaqatigiit sammillugit malitseqartitsisoqarsinnaavoq.

Oqaaseqaatit angerlaanneqarsinnaapput aamma/imaluunniit angajoqqaat ataatsimiinnerani qaqilerneqarsinnaallutik.



**Udviklet i samarbejde mellem Meeqqat Ikiortigit – Red
Barnet Grønland og PiSiu, Det Grønlandske
Kriminalpræventive Råd**

PiSiu, Det Grønlandske Kriminalpræventive Råd

Mail: grl-pisiu@politi.dk

Tlf: +299 365125

Meeqqat Ikiortigit, Red Barnet Grønland

Mail: info@redbarnet.gl

Tlf: +299 563406

Kontakt